

Date : 25 April 2016
Title : Santuni gelandangan
Publication : Sinar Harian
Page :

TELUS & TULUS
Sinar
ONLINE

DAPATKAN EDISI SINAR DIGITAL.
HANYA RM30 SEBULAN.

LANGGANI SEKARANG



ENGLISH Nasional Politik Edisi Semasa Bisnes Global Hiburan Sukan Kolu

Santuni gelandangan

WARTAWAN SINAR HARIAN
25 APRIL 2016

f Like 681 t Tweet f G+ 0



Peserta Program Feed The Needs mengagihkan sumbangan kepada gelandangan sekitar Kuala Lumpur.



NEWSPAPER CLIPPING

Date	:	25 April 2016
Title	:	Santuni gelandangan
Publication	:	Sinar Harian
Page	:	

MUADZAM SHAH - Golongan gelandangan di bandar besar seperti Kuala Lumpur memerlukan perhatian dan didekati selain diberikan sumbangan agar dapat meringankan beban hidup mereka.

Mahasiswa universiti awam atau swasta sebagai pewarsi negara diminta tidak memandang remeh isu ini sebaliknya tampil membantu dalam pelbagai bentuk program kerana graduan universiti adalah antara pewaris kepimpinan negara.

Pengarah Program Feed The Needs, Muhammad Ibrahim, 23, berkata program itu dianjurkan Enactus Universiti Tenaga Nasional (Uniten) bagi mengedarkan bungkusan bantuan berisi pakaian, alat kebersihan harian dan makanan kepada gelandangan di sekitar Kuala Lumpur.

Menurutnya, ia bukan sahaja disertai 50 pelajar dari Uniten Kampus Sultan Haji Ahmad Shah (Uniten KSHAH) malah turut disertai penuntut dari Universiti Malaysia Pahang (UMP) dan Universiti Pendidikan Sultan Idris (UPSI) seramai 300 orang.

"Objektif utama program ini adalah untuk memberi pendedahan kepada pelajar tentang keadaan tempat tinggal dan bagaimana gelandangan itu menjalani kehidupan mereka yang serba kekurangan.

"Setiap peserta berpeluang mendekati golongan ini seterusnya mengagihkan sendiri sumbangan yang dikumpulkan hasil daripada beberapa program kutipan yang dijalankan sekitar Muadzam Shah," katanya kepada Sinar Harian.

Semua peserta berkumpul di Masjid Uniten Putrajaya terlebih dahulu untuk membungkus barang sumbangan sebelum bergerak ke lokasi yang telah ditetapkan iaitu Jalan Tar, Maju Junction, Masjid Negara, Bank Negara dan Puduraya untuk mengagihkannya.

Muhammad berkata, peserta dapat melihat sendiri gelandangan menjadikan kaki lima di sekitar lokasi itu sebagai tempat mereka tidur pada waktu malam.